

## CONVOCATORIA DE BOLSAS PARA MELLORAR AS COMPETENCIAS LINGÜÍSTICAS DO ESTUDANTADO DA UNIVERSIDADE DA CORUÑA (2024)

Nunha aposta decidida pola internacionalización na casa e fóra dela, a Universidade da Coruña a través da Vicerreitoría de Titulacións e Internacionalización convoca bolsas para mellorar as competencias lingüísticas do estudiantado matriculado en estudos oficiais na UDC.

A realidade en que estamos inmersos impulsa a aprendizaxe plurilingüe co obxecto de favorecer o desenvolvemento global e multicultural da sociedade, así como de concienciar da necesidade de colaboración e solidariedade entre os pobos.

O coñecemento dun idioma distinto ao propio contribúe de forma esencial á formación integral do estudiantado universitario e leva consigo un descubrimento cultural que favorece a apreciación de valores distintos.

Esta aprendizaxe converteuse nun obxectivo fundamental da formación do estudiantado universitario, que favorece o plurilingüismo, a diversidade cultural e a mobilidade fóra e dentro da UE.

### 1. OBXECTO DA CONVOCATORIA E PERSOAS DESTINATARIAS

Convócanse en réxime de concorrencia competitiva 55 bolsas para a asistencia e o aproveitamento de cursos no Centro de Linguas de inglés, alemán, francés, italiano ou portugués.

Poderá solicitar estas bolsas o estudiantado matriculado en estudos oficiais na UDC que estea interesado en se matricular nalgún curso do Centro de Linguas e cumpra os requirimentos do punto 4.

A Vicerreitoría de Titulacións e Internacionalización subvencionará o 100 % do importe dos prezos de matrícula nos cursos do Centro de Linguas. As persoas beneficiarias deberanse matricular nos cursos do **primeiro e segundo cuadrimestre** nos prazos establecidos e aboar as taxas correspondentes.

### 2. FINANCIAMENTO

Esta convocatoria finánciase coas achegas de fondos Erasmus+ con cargo á partida orzamentaria 080A 422D 48000 por un importe total de 10.270 €, sen prexuízo de que este importe poida ser incrementado en función da dispoñibilidade orzamentaria.

| Código Seguro De Verificación | qu4lgPGevIromtChtlP2tQ==  | Estado  | Data e hora         |
|-------------------------------|---|---------|---------------------|
| Asinado Por                   | Reitor - Ricardo José Cao Abad  | Asinado | 24/07/2024 11:25:52 |
| Observacións                  |   | Páxina  | 1/7                 |
| Url De Verificación           | <a href="https://sede.udc.gal/services/validation/qu4lgPGevIromtChtlP2tQ==">https://sede.udc.gal/services/validation/qu4lgPGevIromtChtlP2tQ==</a> |         |                     |
| Normativa                     | Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).               |         |                     |



### 3. ÁMBITO DE APLICACIÓN

Os cursos organizaranse en función da demanda.

#### Ámbito 1. Primeiro cuadrimestre 2024/25

Os cursos terán unha duración de 45 ou 60 horas e realizaranse nas seguintes datas **ORIENTATIVAS**: do 23 de setembro ao 12 de decembro de 2024.

- Alemán A2.2
- Francés A2.2
- Inglés B1.2
- Inglés B2.2
- Italiano A2
- Portugués A2

#### Ámbito 2. Segundo cuadrimestre 2024/25

Os cursos terán unha duración de 45 ou 60 horas e realizaranse nas seguintes datas orientativas: do 3 de febreiro ao 8 de maio de 2025.

- Alemán A2.2
- Francés A2.2
- Inglés B1.2
- Inglés B2.2
- Italiano A2
- Portugués A2

O Centro de Linguas anunciará na súa páxina web (<http://www.centrodelinguas.gal/pag/403/caja-portada.-programacion-cursos.-/>) as datas de apertura dos cursos. Os/as estudantes que soliciten unha destas prazas deberanse rexistrar seguindo as indicacións do Centro de Linguas.

### 4. REQUISITOS DAS PERSOAS SOLICITANTES

Poderá solicitar a bolsa o estudantado da Universidade da Coruña matriculado nunha titulación oficial da UDC a nivel de grao, máster ou doutoramento que se atope nalguna das seguintes situacións:

- Que teña intención de realizar unha mobilidade internacional no curso 2025/26: o feito de aprobar o exame do curso no nivel requirido pola convocatoria de mobilidade internacional da UDC eximirá o/a estudante da acreditación do coñecemento do idioma en que se impartan estudos nas universidades de destino, tal e como se require nas convocatorias de mobilidade da UDC.
- Alumnado de dobres titulacións internacionais.
- Alumnado de graos con itinerarios bilingües.

Quen solicite o curso de B1 ou B2 de inglés ou nivel 2 de alemán, francés ou italiano terá que xustificar o coñecemento do nivel previo.

Para o nivel A2 de portugués non é necesario xustificar coñecementos previos.

| Código Seguro De Verificación | qu4lgPGevIromtChtlP2tQ==  | Estado  | Data e hora         |
|-------------------------------|---|---------|---------------------|
| Asinado Por                   | Reitor - Ricardo José Cao Abad  | Asinado | 24/07/2024 11:25:52 |
| Observacións                  |   | Páxina  | 2/7                 |
| Url De Verificación           | <a href="https://sede.udc.gal/services/validation/qu4lgPGevIromtChtlP2tQ==">https://sede.udc.gal/services/validation/qu4lgPGevIromtChtlP2tQ==</a> |         |                     |
| Normativa                     | Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).               |         |                     |



## 5. CRITERIOS DE SELECCIÓN

A selección das persoas candidatas que presenten a solicitude será realizada por unha Comisión de Relacións Internacionais constituída por:

- Moisés Canle López, vicerreitor de Titulacións e Internacionalización
- Bruno Casal Rodríguez, adxunto de Mobilidade e Convenios
- María Bobadilla Pérez, adxunta de Política Internacional

Unha vez que se comprobe que as solicitudes se presentaron debidamente, procederase a adxudicar as bolsas, tendo en conta a nota media do expediente académico, e ponderado co coeficiente corrector de 1,17 para as titulacións técnicas.

Esta axuda é incompatible con calquera outra axuda para o mesmo concepto. Cando se notifique a concesión definitiva, informaranse ao/as adxudicatario/as que deben enviar a declaración responsable (anexo II), debidamente cuberta e asinada, á ORI por correo electrónico a [iro@udc.es](mailto:iro@udc.es).

Crearanse dúas listaxes de adxudicación de bolsas, unha para os cursos do primeiro cuatrimestre e outra para os do segundo cuatrimestre. Os/as 20 primeiros solicitantes de cada listaxe recibirán a bolsa, sempre que xustifiquen ao final do curso o aproveitamento mediante a presentación do certificado emitido polo Centro de Linguas que indicará a cualificación final obtida, nun prazo non máis tarde de 5 **días hábiles** desde a comunicación para a recollida do diploma. O/a solicitante ten a obriga de enviar por correo electrónico a copia do dito certificado ao seguinte enderezo [iro@udc.es](mailto:iro@udc.es). As bolsas que non se concedan nun prazo poderanse acumular para ser concedidas nos prazos seguintes.

O resto das persoas solicitantes aparecerán nunha listaxe de espera e as bolsas iranse adxudicando, de ser o caso, na orde nela establecida.

(A non xustificación do aproveitamento implicará a exclusión da listaxe de beneficiario/a. Aqueles/as solicitantes que por calquera motivo non obtivesen o título/certificado deberán, en todo caso, presentar o resgardo do pagamento de matrícula, co obxecto de non ser excluídos nas dúas seguintes convocatorias destas bolsas).

## 6. SOLICITUDES

A persoa solicitante deberá presentar a seguinte documentación:

- Impreso de solicitude (anexo I)
- **Modelo de alta de datos bancarios da persoa solicitante da bolsa (anexo II), que deberá cubrir o [formulario de xestión de terceiros dispoñible na Sede Electrónica da UDC](#) que se deberá dar de alta en terceiros na sede electrónica da UDC a través da ligazón [https://sede.udc.gal/services/procedures/eco\\_003](https://sede.udc.gal/services/procedures/eco_003)**
- Documentación acreditativa do nivel previo requirido no punto 4, de ser o caso
- Copia do expediente académico que o/a estudante pode descargar da Secretaría Virtual en que figura a media do expediente, ou a xustificación de estar matriculado/a en estudos oficiais na UDC.

| Código Seguro De Verificación | qu4lgPGevIromtChtlP2tQ==  | Estado  | Data e hora         |
|-------------------------------|---|---------|---------------------|
| Asinado Por                   | Reitor - Ricardo José Cao Abad  | Asinado | 24/07/2024 11:25:52 |
| Observacións                  |   | Páxina  | 3/7                 |
| Url De Verificación           | <a href="https://sede.udc.gal/services/validation/qu4lgPGevIromtChtlP2tQ==">https://sede.udc.gal/services/validation/qu4lgPGevIromtChtlP2tQ==</a> |         |                     |
| Normativa                     | Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).               |         |                     |



## 7. PAGAMENTO DAS BOLSAS

Para proceder ao pagamento das axudas é preciso que a persoa interesada obteña un diploma ou certificado de superar o curso.

Antes do prazo **de 5 días hábiles**, desde a comunicación para recoller o diploma do curso para o cal se pediu a axuda, teñen que presentar na ORI o certificado/diploma obtido que deberá ser de asistencia e de superación do curso. De non o presentar en prazo non percibirán a axuda.

A partir dese momento, a ORI iniciará os trámites para o pagamento da axuda.

## 8. LUGAR DE PRESENTACIÓN DE SOLICITUDES

Esta convocatoria permanecerá aberta desde o día seguinte da súa publicación e ata:

- o 9 de setembro para os cursos do primeiro cuadrimestre
- o 15 de xaneiro para os cursos do segundo cuadrimestre

As listaxes provisionais das persoas beneficiarias serán publicadas:

- o 13 de setembro para os cursos do primeiro cuadrimestre
- o 21 de xaneiro para os cursos do segundo cuadrimestre

As persoas interesadas poderán presentar alegacións e/ou a documentación necesaria para emendar erros no prazo de 5 días hábiles, que conta a partir do día hábil seguinte ao da publicación das listaxes provisionais. Unha vez revisadas as alegacións, publicarase a lista definitiva, así como a lista de espera, se a houbese.

As solicitudes presentaranse preferentemente no Rexistro Electrónico da UDC, no Rexistro Xeral da Universidade da Coruña (Mestranza, 9, 15001 A Coruña) ou nos rexistros auxiliares do campus da Coruña, provisionalmente na Zapateira, ou do campus de Ferrol (Dr. Vázquez Cabrera s/n, Esteiro, 15403 Ferrol). Así mesmo, poderanse presentar por calquera dos procedementos previstos no artigo 16.4 da Lei 39/2015, do 1 de outubro, de procedemento administrativo común das administracións públicas.

## 9. PROTECCIÓN DE DATOS. Normativa xeral relativa á protección de datos persoais da UDC. Aprobada polo Consello de Goberno o 23 de xullo de 2019.

En cumprimento do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos (Regulamento xeral de protección de datos ou RGPD), e do artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD), informamos de que os datos que a persoa interesada facilite mediante a concorrencia a esta convocatoria serán tratados baixo a responsabilidade da Universidade da Coruña (UDC), cos seus datos de contacto na rúa Mestranza 9, 15001, A Coruña, teléfono 981167000, correo electrónico secretariaxeral@udc.gal. A solicitude dunha destas bolsas na Universidade da Coruña implica a aceptación do contido da convocatoria e a autorización para que os seus datos persoais sexan utilizados pola Universidade, de acordo coa LOPD, coa finalidade da correcta xestión das bolsas.

Todas as persoas que entren en contacto con estes datos coa citada finalidade cumpriran o deber de confidencialidade establecido no artigo 5 da Lei orgánica 3/2018, do 5 de decembro,

| Código Seguro De Verificación | qu4lgPGevIromtChtlP2tQ==  | Estado  | Data e hora         |
|-------------------------------|---|---------|---------------------|
| Asinado Por                   | Reitor - Ricardo José Cao Abad  | Asinado | 24/07/2024 11:25:52 |
| Observacións                  |   | Páxina  | 4/7                 |
| Url De Verificación           | <a href="https://sede.udc.gal/services/validation/qu4lgPGevIromtChtlP2tQ==">https://sede.udc.gal/services/validation/qu4lgPGevIromtChtlP2tQ==</a> |         |                     |
| Normativa                     | Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).               |         |                     |



de protección de datos persoais e garantía dos dereitos dixitais (LOPD). Mediante a concorrencia a esta convocatoria, a persoa interesada consente expresamente a publicación dos seus datos na resolución da solicitude nos taboleiros físicos da UDC e no Taboleiro oficial da Sede electrónica da UDC, na forma prevista na disposición adicional 7ª da Lei orgánica 3/2018, de protección de datos persoais.

A resolución desta convocatoria permanecerá publicada neses taboleiros. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos que están recollidos na Lei orgánica de protección de datos persoais. A persoa interesada consente o tratamento dos datos para os efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a se opoñer ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Estes dereitos poderaos exercer mediante unha solicitude remitida ao seguinte enderezo: Secretaría Xeral, Reitoría da Universidade «protección de datos», a través dun escrito asinado para o efecto, xunto cunha fotocopia do seu DNI. Igualmente poderá dirixir esta solicitude directamente á Delegada de Protección de Datos, ao mesmo enderezo postal anteriormente indicado, ou ao correo electrónico [dpd@udc.gal](mailto:dpd@udc.gal). Así mesmo, ten dereito a presentar unha reclamación ante a Axencia Española de Protección de Datos (AEPD).

Para máis información:

Oficina de Relacións Internacionais/Vicerreitoría de Titulacións e Internacionalización

Tel: 981 167 000 (ext. 1956)

Correo electrónico: [iro@udc.es](mailto:iro@udc.es)

O reitor

Ricardo Cao Abad

| Código Seguro De Verificación | qu4lgPGevIromtChtlP2tQ==  | Estado  | Data e hora         |
|-------------------------------|---|---------|---------------------|
| Asinado Por                   | Reitor - Ricardo José Cao Abad  | Asinado | 24/07/2024 11:25:52 |
| Observacións                  |   | Páxina  | 5/7                 |
| Url De Verificación           | <a href="https://sede.udc.gal/services/validation/qu4lgPGevIromtChtlP2tQ==">https://sede.udc.gal/services/validation/qu4lgPGevIromtChtlP2tQ==</a> |         |                     |
| Normativa                     | Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).               |         |                     |



Convocatoria de bolsas para mellorar as competencias lingüísticas do estudiantado da Universidade da Coruña

## ANEXO I

### Impreso de solicitude

|  |
|--|
| APELIDOS E NOME:   |
| DNI:   |
| ENDEREZO ELECTRÓNICO:  |
| CENTRO UDC:  |
| TITULACIÓN:  |
| CURSO QUE REALIZARÁ NO CENTRO DE LINGUAS:  |
| MOTIVACIÓN DA SOLICITUDE:<br><br>TITULACIÓN BILINGÜE<br>DOBRE TITULACIÓN INTERNACIONAL<br>MOBILIDADE INTERNACIONAL<br>OUTROS (ESPECIFIQUE O MOTIVO): |

Documentos que presenta:

- Modelo de alta de datos bancarios.
- Documentación acreditativa do nivel previo requirido (de ser o caso).
- Copia do expediente académico.

A Coruña, \_\_\_\_\_ de \_\_\_\_\_ do 2024

Sinatura da persoa solicitante \_\_\_\_\_

Todos os datos de carácter persoal serán procesados de acordo co Lei orgánica 3/2018, do 5 de decembro, de protección de datos persoais e garantía dos dereitos dixitais.

SR. DIRECTOR DA OFICINA DE RELACIÓNS INTERNACIONAIS

| Código Seguro De Verificación | qu4lgPGevIromtChtlP2tQ==  | Estado  | Data e hora         |
|-------------------------------|---|---------|---------------------|
| Asinado Por                   | Reitor - Ricardo José Cao Abad  | Asinado | 24/07/2024 11:25:52 |
| Observacións                  |   | Páxina  | 6/7                 |
| Url De Verificación           | <a href="https://sede.udc.gal/services/validation/qu4lgPGevIromtChtlP2tQ==">https://sede.udc.gal/services/validation/qu4lgPGevIromtChtlP2tQ==</a> |         |                     |
| Normativa                     | Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).               |         |                     |



## ANEXO II

## DECLARACIÓN RESPONSABLE

(Nome e apelidos) ....., co DNI.....,  
declaro:

Que non solicitei nin se me concedeu ningunha outra axuda para este mesmo concepto para os cales solicito esta bolsa.

Sinatura

(Lugar e data)

SR. DIRECTOR DA OFICINA DE RELACIÓNS INTERNACIONAIS

| Código Seguro De Verificación | qu4lgPGevIromtChtlP2tQ==  | Estado  | Data e hora         |
|-------------------------------|---|---------|---------------------|
| Asinado Por                   | Reitor - Ricardo José Cao Abad  | Asinado | 24/07/2024 11:25:52 |
| Observacións                  |   | Páxina  | 7/7                 |
| Url De Verificación           | <a href="https://sede.udc.gal/services/validation/qu4lgPGevIromtChtlP2tQ==">https://sede.udc.gal/services/validation/qu4lgPGevIromtChtlP2tQ==</a> |         |                     |
| Normativa                     | Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).               |         |                     |

